

高安縣志

地 250.101

38

部 = 10



謹按志宦不曰蹟而曰績蹟者何事也績者何功也官無論文武內外大小人無論科甲吏胥指納各有其職皆各有其事而未必有其功也誠能循分供職卽能因事見功蹟也而績矣我高邑三十年前所志若朱太傅陳司農諸賢實足與古名臣相媲美今雖芳蹤莫繼而卓有循聲無忝厥職者是宦績也共得二十七人邑令高以本志

按道光四年高石琴明府重修邑志其時原板具存於人物志四門各續一卷冠以小序此次本可不存此篇辨蹟績字尙有發明故存其舊

高安縣志卷之十五

陳象渭字東望號遇亭米嶺廟前人乾隆壬午舉人已丑進士授湖北利川令在任五年興學校考課藝文學之士彬彬稱盛積年陋規一概剔除審斷虛公民無冤獄歡聲載道既解任士庶如失慈父母遮道祖餞作歌以表其德刻主祀之

吳棐龍字輔臣號補堂龍山人由直隸宣化府經歷陞任陝西神木靖邊臨潼等縣令在靖邊時移稅局於鎮靜堡商民稱便金川用兵臨潼羽檄飛馳軍務絡繹車馬供億向係各里長分辦改令設廠城隅輪值徵發事舉而不擾大吏卓薦擢甯羗牧乾隆丁酉以軍功授鄜州

高安縣志

卷之十五

宦績

二

刺史崇節儉興教化建雕陰書院以馬差草料爲民累籌畫變通歸於妥善事詳鄜人張睿朝記中癸卯陞江南廬州守甲辰恭遇

聖駕南巡督辦水陸民夫

召見三次

溫諭褒嘉恩賞貂皮大緞大小荷包適江北亢旱決滯獄發倉廩旱不成災丙午發往湖北署荆宜施道安襄鄖道補安陸守境失餉鞘被議解任緝獲開復原官致仕八載卒年七十

朱詔爵字位伍號筠軒坡山人文端太傅之孫必坦之子世襲騎都尉任廣東和平營都司護理增城營叅將恩

威並行時因饑爭糴成毆搶案詔爵以饑民亂民分析上請事得釋民戴之如慈父母治兵嚴而不酷賞罰至公及陞浙閩楓嶺營遊擊兵民悅服九載乞養歸焚香跪送者如堵墻榮矣

朱國琛字蔚林號鶴山詔爵長子以世襲任浙江金華協標右營分防永康汛都司時義烏匪類潛謀不法邑民拾其旗書等稟報琛密帶兵丁捕得置之法不事張皇不使支蔓陞廣東撫標右營遊擊中途聞訃回原任有兵丁無力葬父將鬻妻哀痛不忍別琛偵知其故給予銀兩以賞其孝俾事克舉服闋陞貴州提標遊擊赴都引

高安縣志

卷之十五

宦績

三

見卒於京

吳化敏字功懋號有齋龍山人初任河南温縣尉繼任湖南衡山尉三任陝西洵陽尉所至長官藉其賢能温濱大河輿鞏民爭灘地觀察親勘敏爲陳歷年形勢地歸温邑紳張生馨著有去思碑文在衡山爲其宰散賑遍及而無冒濫林太史學易序其事以頌之嘉慶元年教匪入興安各縣戒嚴敏請於令預渡數千人北岸安置多所全活以病乞休年臻大耋

涂家傑字謙萬號益齋楓林人以名孝廉授南城縣教諭甫下車課試生童拔章學濂冠軍濂家貧飲食之教誨之數年入泮鄉薦邑人稱其明而頌其德繼任分宜縣

教諭訓士盡職後推選直隸定州州同地爲徭役所苦  
減差薄歛民戴之如父母在任三年而歿邑人歌誰嗣  
焉時濂令宛平聞之號泣因得買舟歸櫬并爲請

誥封二代

吳吉士字勳相號藹亭龍山人由乾隆癸酉優貢授袁州  
府學司訓甄拔單寒誘掖多士在袁二十餘載文風爲  
之一振推陞義甯州學正一如袁時課士之暇與萬和  
圃日相唱和彭雲楣戴箕圃皆稱之爲畏友也年八十  
猶能燈下作蠅頭楷所著有易山房吳勳相稿

熊中文字坤五號在亭南城仁濟坊人由乾隆丁酉拔貢  
任南康府安義教諭俸滿保舉選浙江金華令庚申夏

高安縣志

卷之十五

宦績

四

大雨彌旬江水泛漲城不沒者三版文自取衣冠投水  
中雨乃止然高下田原已成巨浸矣先是南康大水合  
郡僚屬俱往勘災中文所至分別經畫獨得其詳大吏  
竒其才遂陳薦牘至是益奮請於上官奉

旨蠲賑悉心力籌哀鴻盡起嘉獎賢勞調蘭谿劇邑金華人  
攀留不得請蘭距金數十里循聲懋績邑中人已熟聞  
之咸相慶幸未數月解餉赴滇旋罷任兩邑士民以賢  
父母不忍別爭相餞送投詩盈篋彙爲一冊題曰金蘭

棠蔭

熊中簡字臨可號竹間南城仁濟坊人由太學生應乾隆  
丁酉順天鄉試薦卷取四庫館臚錄議叙授福建順昌



所委任未幾以心疾卒於官邑民如失慈父母焉

吳瑩字潤之龍山人遵例報捐揀發四川歷署武隆百丈等司壬午題授石砭府照磨所至頗著賢勞丁外艱服闋旋補邛州吏目時大小金川軍書旁午邛當衝途差事絡繹瑩奉州牧楊委辦儲胥晝夜勤勞肆應悉洽楊以其能白於大吏請儘先陞用未數月卒於官楊深憾折其一股率屬吏等爲文祭之

吳鍾岳字挹五號秀峯龍山人乾隆庚子舉於鄉乙卯大挑一等籤發山東抵省委辦軍需加隨帶一級歷署陵縣壽張掖縣諸煩劇所至有聲繼署曲阜喜曰一行作吏得近聖人之居是學者之大幸也嘉慶庚申補館陶

### 高安縣志

#### 卷之十五

宦績

六

令甫下車值大雨衛河漲發隄岸決口數十處募夫疏築奏免錢漕辦理賑務各憲親勘稱善記大功一次次年水平蝗起竭力撲捕不爲災合邑進生佛之頌

學宮傾圮捐廉修葺聽訟平允無留牘蒞館陶十載撫恤民隱嘉惠士林獄鮮冤繫戶化澆頑庚午因公被議去之日攀轅祖餞者數十里不絕

吳居恭字紹祖號禮齋龍山人乾隆丁亥任四川葫蘆溪鹽場大使奉解軍需赴緬甸大營刻期歲事制帥署能員第一留辦軍務回蜀後任三臺縣事以憂歸甲午分發福建補延平府經歷旋署南平令所在有聲丙午因公被議後任直隸保定主簿淒風冷雨効力河工知恭

者以爲有郭若思之勤能范萊蕪之清介焉以老病卒於官

王茂煥字文思號樸齋官庄人乾隆癸酉舉人初爲峽江學博造士有方儒林宗仰汪大宗師以教職出色人員宜膺民社保薦因途中患病仍歸峽庚子丁母艱峽之士有追隨千里者服闋選四川蒼溪令廉靜寡欲一以愛民養士爲心因隣縣有冒充武員者曾經其邑失察落職邑紳欲請復煥不許遂歸足不入公門以裁成後學爲事乾隆癸丑纂修邑乘其手筆居多年八十卒傳作求字世芳號石蘭十一都山畚人戊午領鄉薦辛酉成進士授內閣中書人直無車馬而知交困乏盡力欣

高安縣志

卷之十五

宦績

七

助雖典質弗恤邑有會館在京歲久就圯捐貲倡修卒復舊觀嘉慶壬戌充

實錄館校對官丙寅修

大清一統志開方畧館分校浙江省志凡有累代同居者備錄寄示子弟以修身齊家是儒者真實事業骨肉情深斯可推恩無間也丁卯北闈掌受卷所撤棘奔喪守制嚴督課藝雖頑鈍不令廢學既小祥親營窀穸凡先坐之傾圮者必修整之不分諉親屬服闋入都檢校文淵閣陞主政當事器其各欲招致之不可得以疾卒於

京

朱輔臣字佐卿號鑑湖坡山人遵例報捐分發貴州候補



吏目借補貴陽府司獄後補麻哈州吏目乾隆乙卯調  
辦軍需適匪黨吳半山暨小竹山磨漫山賊匪橫行黔  
屬商民被掠者甚夥輔臣多方購線帶鄉勇勦捕諸匪  
盡靖屢邀軍功議叙由思州府經歷游陞銅仁令卓有  
政聲至今猶頌其功德

吳奕輝字載德號曉峯南城石橋人由廩貢領乾隆壬子  
順天鄉薦補信豐學博甫到任卽倡修

聖廟丕振學校攝桃江書院掌教聚生徒講貫曉喻大義  
諸生服其教有蘇湖模範及教思無窮匾額信豐素強  
悍四姓以世隙械鬪釀巨案委員屢論不聽先中丞公  
親詣顛郡欲兵之不忍不教而誅諭奕輝前往開導怨

高安縣志

卷之十五

宦績

八

乃釋救全無算舊屯田二萬餘畝嘗苦各佃隱漏官多  
賠累每年計三千餘金查公觀察以事關 奏案專檄  
奕輝履畝清勘悉符原額由是屢膺保薦力辭不就年  
七十二卒於官諸生涕泣送者數百人所著有勸學篇  
敦行錄尚有桃江課餘文集小蓬萊詩集待梓

吳居闕字勳懋號晴舟龍山人乾隆壬子癸丑聯捷進士  
是時鄉會兩榜無如闕年少者嘉慶十年授安徽含山  
令甫下車卽代和州牧驗訊武舉某毆斃乞丐一案發  
奸摘伏人頌神明留心民隱事無鉅細必親自體察胥  
吏無從舞弊嘗以薄俗圖賴婦女輕生爲憾痛懲之棍  
徒王元仲有族姪小月鬻於蕪湖某氏年餘遁歸元仲

詐控毀屍滅跡經太平守訊無實情元仲竟置小月於死而堅執不屈事上僅以刁控擬杖越一年矣元仲因他事牽証閱憶前事從容鞫問得謀殺情置之法舍邑連年苦旱蔬食步禱甘霖立沛十六年西北鄉荒歉募穀周濟民藉以安丁卯癸酉兩科分校江南鄉試所取皆名下士在任十載政簡刑清民初憚之繼則親愛如慈父母公餘靜坐左圖右史及晉唐法帖靡不研究歷寒暑無間書法名重一時惜年僅強仕未竟其用

彭元定字衡階號靜堂北城碧落山人浙江按察司經歷署江山令借補歸安分縣有爭水圳通塞案構訟二十餘載至則爲之設板閘晚閉早開農桑俱利士庶咸感

高安縣志

卷之十五

宦績

九

勒碑以誌其績乾隆庚子恭遇

聖駕南巡委辦桐鄉縣正站差務籌備謹敬時刻不差恩賞綢緞荷包同寅有濫封米舟者民情鼎沸周旋鎮撫始克安貼上游稱善乞養歸里足不入公門年登八十有

六四世一堂

吳燦章字慶雲號樂齋黃溪人以太學生授柳州府經歷廉能有聲乾隆乙未委署上林令邑有嫌壻貧而離婚者訟數年未結抵任時袖金賂之曰若與壻女偕來吾爲汝斷及到案責曰人所重者倫常夫婦爲倫常之首奈何以貧故易盟乎且汝壻聰明嗜學非終貧者遂以所賂金付其壻併諭割產爲奩資當堂行交拜禮後壻

舉孝廉夫婦繪像祀之又驗一溺屍見傷痕知非自海  
密訪之爲謀財致命緝蒐置之法致仕家居絕不一謁  
公庭卒年七十有一大理寺卿張鵬展其宰上林時所  
拔案首也有哭吳夫子詩二十韻並爲之傳

徐浩字東瀾號柳齋城南仁濟坊人幼讀書棄舉業走京  
師充方畧館供事親王某聘教諸世子讀訓課外絕無  
所干選廣東海康縣清道司巡檢海康地近海洋賊匪  
充斥浩領弓兵加意巡緝商民賴以安堵調署府經歷  
值海康縣試邑宰公出郡守知浩學問優長委令代試  
學使額取十二名卽浩所取二十名前列者也粵人士  
咸嘆服浩精工書法更善擘窠大字刊有邇易堂楷法

高安縣志

卷之十五

宦績

十

墨本書家奉爲楷模爲文力追韓歐不屑屑於章句其  
姪葯生庶常深得教益人祇知其工書法而不知其積  
學深醕迥非尋常佐貳所能及也

陳聞炳字耀遠號春亭赤土人 例授州同請

封二代復改授縣丞籤掣廣東新甯大澳分縣時陸豐叛匪  
蜂起請兵勦捕擒獲首夥千餘名奉

旨以知縣陞用旋補新甯爲上憲所倚重因緝捕土匪出力  
制府蔣保奏奉

旨遇有繁缺知縣奏請調補旋授惠來調繁高要甫下車卽  
將歷年積案斷結念縣屬端州附郭爲嶺南衝要路久  
不修一力捐廉完整往來稱便他如設倉廩建育嬰立

義學難以枚舉邑紳刊有實政碑以記其事己卯

覃恩

勅授文林郎丁母艱回籍服闋因高要任內拏獲盜匪六百餘名送部引

見奉

旨仍發廣東以知州陞用委赴揭陽查辦匪犯三王五虎等置之法粵民稱快委署揭陽數月審辦積案數百卷以勞瘁卒於官

丁德嘉字二宜號惕齋別號海門火石丁坊人乾隆辛卯副車選授直隸易州州判調任遵化州判署良鄉遷雄縣令公正廉明臨事果斷卓有政聲尋以外艱歸服闋

高安縣志

卷之十五

宦績

十一

揀發湖北時值襄陽用兵軍前効力頗著勤勞委署沔陽州牧辦理水災核實散賑戶口丁男無不歡飽沔西南之新堤苦水患舊堤亦叠遭衝決因相其機宜捐廉補築得免泛溢至今稱丁公堤沔屬民多健訟累延不結到任清理塵牘懲勸交施不數月俗頓革三載士民愛戴去之日行李蕭然合州繡兩袖清風之幃以覆其輿補安陸歷署江夏雲夢治績彌著其大端不外重士愛民寓精明於渾厚之中自顏其堂曰留餘地步年六十九卒於安共立勤政愛民匾額於署誌不忘也

徐乘時字應有號雨堂城南仁濟坊人早歲失怙惟寡母是依家極貧機燈照讀餬口無資為人抄寫經史每錄

一篇卽專心研究乾隆壬午以庠生領鄉薦

大挑二等補萍鄉教諭專心訓課遊其門者如在春風化  
雨中宮保劉金門髫齡來謁卽以重器目之越十餘年  
陞贛州府教授其課士亦如在萍時甲寅截取知縣不  
就任教職三十餘年無一處分案以太常寺典簿陞用  
未赴嘉慶壬戌以老乞休贛士攀留者數百餘人餞詩  
盈篋贈以多士楷模匾額自學署至河干祖帳不下百  
餘席觀察郡守暨寅僚等各贈以詩年八十有四無疾  
而卒

傅大川字岬瞻號涵齋珠湖人任安福廣文安邑文士向  
與廬陵吉泰並盛後稍衰至任却贄嚴課誘勸倍篤文

高安縣志

卷之十五

宦績

十一

風丕振會歲饑邑宰尹奉上檄賑濟請襄其事慨然身  
任籌畫周詳奸胥猾吏杜絕侵漁民沾實惠上憲廉其  
能將拜疏薦外訃適至服闋補廣信府學博奉檄查七  
屬禁書事舉而不擾所至靡不賢之緣是勞勩得疾致  
仕歸 以上高志

熊如澍字甘溥號春臯仁濟坊人中砥長子乾隆壬子舉  
人嘉慶辛酉進士分吏部以主事用部曹最重資俸甫  
分部卽承重丁祖母憂旣遲滯矣服闋又以公過被議  
再丁母憂起復前後在部至三十餘年同年生或入相  
後輩且有爲堂官者無不爲之扼腕性寬靜方處之適  
然也自公卿逮胥史莫不稱爲長者道光辛卯始得轉

稽勛司員外郎引疾歸卒年七十

熊如洵字少泉號雪嶠又號石峩中砥仲子如澍弟乾隆壬子與兄同舉於鄉嘉慶丙辰先成進士以知縣歸班候選里居者九年甲子始得廣西武緣縣地險遠多瘴水土惡不能迎養伊鬱成疾告歸丁卯病起告近發浙江既至補武義縣葦年境內大治道不拾遺鬥爭罷訟之風一變調餘姚地濱海多豪族號難治御以威惠吏民安之首邑山陰缺令攝事一歲還本任是年辛未大計已列卓異丁母憂而止服既闋捐免坐補里居者又十年道光辛巳始得河南新鄉自其少侍父官澤州數經懷衛之郊習其民俗至官有暇卽勤課士不三月鄰

高安縣志

卷之十五

宦績

三

邑汲縣獲嘉原武陽武士之知名者麇至上官知其久膺繁劇次年卽遴調蘭陽重災區也先是河決灌縣城壇廟倉庫官民廬舍皆淤沙中其城堞存者步可越也商民戶不滿百結茅竹以居始至悉心撫輯四境地皆沙壓周厯履勘分別請蠲緩久者寬限至十年民氣少蘇流移亦漸集又以宣防勞奏陞開封府中河通判當是時

宣宗成皇帝勤求吏治

御極之初卽面詢督相蔣攸銛以中外人才督相手疏三十人  
以上擢用皆稱

旨首停捐納至是益

精意旁求四年甲申密論各直省大吏舉所知以聞於是河南  
巡撫程祖洛密保八人列名在第四其薦詞曰蘭陽縣  
知縣熊如洵秉性樸誠辦事勤能爲人謹慎小心而才  
具又復開展拊卹災區大得民心疏入擢用者五人得  
升授光州直隸州知州蓋異數也人方以大用相期而  
特旨授官例不送部引  
見不獲瞻近

清光渥邀

顧遇後三年一攝南陽府事旋得疾請告歸里浙豫之民望  
其復出者有如望歲也其後五人者二人皆至督撫獨  
涿州盧圻者同以早去官未竟其用當時未擢用三人

高安縣志

卷之十五

宦績

十四

後亦次第得遷秩焉嗣後各直省數年一奉

旨舉行曰明保自此始在浙鄉試同考者二嘉慶戊辰庚午

蕭元吉字象占一字誠齋別號謙谷世爲廣溪人故又號  
秋广曾祖茂對邑庠生祖映春太學生父物華世有隱  
德元吉幼倜儻有大志逾冠歲始補諸生旋中嘉慶庚  
申鄉舉試禮部不第考充

實錄館謄錄議敘知縣壬申選浙江松陽縣引

見調河南唐縣自是官河南者凡三十八年始至唐勤聽斷治

教唆縣民吳勳者十三世同居家範整肅亟旌之舊有  
崇實書院捐俸錢親訓課四鄉勸立義學地界湖北嚴  
緝捕勤會哨境內爲清水所經循其遺蹟教之興水利

開稻田至今賴之在唐七年調祥符令之居首劇者多  
無暇親民事既至處之如平常河水爲患六鄉民地爲  
沙壓者二千餘頃蠲其租免其差徭道光癸未奏升許  
州直隸州知州凡興書院設義塾重農田修墩堡一如  
在唐又重建試院續纂志乘請以大儒斬裁之祀鄉賢  
皆因民之志而轉移之尤以保富爲要後軍務屢興民  
間猶能固守城池支持艱鉅者其明效也五屬繪像事  
之集其詩歌曰象祝錄在許二十年民忘其爲官官亦  
幾自忘其爲以官居許也壬寅以治河功奏升河南府  
知府戊申歲大旱經理賑務事必躬親以勞瘁得疾是  
年調署陳州府次年己酉正月卒於任自大府寮屬至

高安縣志

卷之十五

宦績

十五

士民皆深悼之唐縣許州率先呈請祀名宦庚戌二月  
奉

旨允准

元吉起單寒嶄然自立方以謄錄授官例得分發畱會  
試不肯去輪選到班乃已其居家力行孝友誼周三黨  
性濶達沈毅與人交無城府愛才禮士排難解紛視人  
之急如己故交滿天下所謂聖賢根基豪傑作用實以  
之自許者而非如世俗懷惠苟得淺夫所頌說云云也  
凡攝縣事一桐柏州事一鄧州府事三歸德南陽陳州  
道事一河陝汝充鄉試同考官一嘉慶癸酉充鄉試提  
調官一道光癸卯調辦祥符河工西壩局一道光辛丑  
方是時海內乂安中州民俗質厚爲守牧令者皆得久



於其任意所設施官與民相見如師弟子然可謂盛矣桂林朱琦之言曰比公歿而兩河吏治寢不如昔民亦數罹兵火天下郡縣漸以凋敝非良吏莫之救如公者何可得哉嗚呼所慨深矣所著作有綠衫野屋集

蕭淦原名元浩字希孟一字水亭廣溪人弱冠補諸生從兄謙谷太守時官唐縣聞其力學忘貧器異之招之至署親爲督課並獲從金谿王韶溫縣李恒泰黔陽易良倣遊皆文場耆宿恒泰又太守門下士也學日進數年從子浚蘭漸長卽授經焉道光戊子乙未鄉會試皆魁其經以知縣分發四川權太平縣地與陝之南山毘連興教化嚴緝捕邑有巨蠹嚴懲之輿論翕然己亥充鄉

### 高安縣志

#### 卷之十五

宦績

十六

試同考官稱得人補射洪在任六年愛士恤民勤聽斷平反疑獄政化大行兼署潼川府太和鎮通判太和爲運鹽通衢緝私裕課商民安之旋以親老乞養歸邑人聘主講鳳儀書院數年養親事畢謀復出粵事起佐地方官籌餉團防積瘁致疾卒年六十五子泳蘭邑廩生清蘭太學生孫梧邑庠生

左垣號掖門大湖橋人甲午鄉舉先以廩貢司鐸廣信受知於太守大計子卓異引

見以知縣用選福建甌甯縣甌稱難治甫下車卽以政聞興學校息訟獄歷任甌甯而南平永福建安皆有聲而承辦軍務最久衝寒冒暑况瘁不辭以是積勞成病病起

以俸滿入 覲卒於京年七十有五

胡其淵字濟川號菱舫四都翰塘人幼聰穎應童子試大  
守韓拔冠一軍旋入邑庠試輒高等道光乙酉領鄉薦  
甲辰 大挑一等以知縣用揀發東河委用河工知縣  
例借補沿河州判縣丞得補虞城縣管河縣丞以安瀾  
保奏照本銜加同知銜開缺以東河通判陞用代理商  
虞通判印務乞養歸家居教授年七十三卒

朱晉麟字玉書號瑞堂朱文端公會孫也幼穎異性嗜學  
弱冠補弟子員名噪膠庠羣以大器目之嘉慶四年奉  
特旨以朱文端居官清正特諭江西巡撫張公誠基錄公後  
裔以備徵用遂以公裔孫三人名上之朝晉麟首與焉

高安縣志

卷之十五

宦績

七

奉

旨以知縣卽用部選直隸故城縣知縣甫下車卽革除官市  
減價一切陋規廉潔自矢不名一錢親友貧乏者分清  
俸給之因公左遷湖南瀏陽縣縣丞大府重其廉能俸  
滿保舉知縣叠委署零陵芷江湘鄉安福衡山等知縣  
事所至輒有聲後署通道縣知縣因公復左遷山東蒲  
臺縣縣丞卒於任歸櫬回籍時囊橐蕭然子孫貧至不  
能舉火然清白家聲累世不墜實無忝名臣之裔云  
朱瀚原名時序號寅庵太傅文端之來孫父景華嘉慶四  
年

特旨賞舉人官山東日照令禱於瑯琊山生焉甫晬失怙大

父國琛方任金華都司迎之赴浙舟泊儀徵遽驚風已絕有異僧活之七齡歸里染豆疫至險膚肉如糜妣金太夫人夢大士以楊枝水洒之既愈而左頰紅癩大如掌十齡又失恃祖妣太夫人撫之既長勵志好學以當襲職輟試事北上過楚團風鎮風利以事留中夜風暴作前舟皆覆人以爲有神助厯署鄱湖銅鼓浮梁都司建昌遊擊所至有聲補廣昌都司值水災捐廉倡賑民額其廳事曰惠洽黔黎擢陝甘階州遊擊以病請開缺報痊留坐補甘督布器重之嘗檄代閱環慶七營又累攝廣武洪廣花馬池中衛等營事擢湖南澧州參將洞庭萑苻爲之一清提擢沅州副將出征粵西 欽差

高安縣志

卷之十五

官績

六

大臣向公榮檄隨總理營務與賊戰象州界嶺及古磨黃袋諸嶺大破之追及武宣之莫村以受瘴毒生癰奉檄歸其明年賊由郴桂犯長沙奉檄駐軍金盆嶺陝軍駐石馬鋪賊偵沅軍難撼夜攻陝軍潰黎明至沅營以巨礮斃其酋賊敗去旋奉檄入守南門賊開地道內亦鑿濠應之轟城者四次隨方禦之相持八十晝夜賊計窮而逸論功 賞花翎兼理長沙協會湖北通城以漕事激變奉檄往平之署永州總兵粵賊屢犯城從容部署獲其酋解全州之圍以功加總兵銜咸豐七年以積瘁卒於沅州年五十有四遠近傷焉貌修眉廣顙聲欬如洪鐘有知人之鑒於長沙得塔忠武公齊布於行

間得周副戎雲耀他如王壯武蠡田軍門興恕指不勝  
屈幼卽能詩九齡有奇句所著有小滄溟館詩凡五集  
初學山谷直入杜陵之室五古逼真漢魏仁和許文恪  
稱之謂江右詩人一時無兩所友如徐葑生彭秋舫帥  
樗香遺稿爲之校鐫自守至嚴嘗銘其几曰清莫近名  
貞毋絕俗儉以養廉勤可補拙見者以爲不愧斯言元  
配徐 贈夫人先卒子六人衡衛皆在庠序有聲

蕭日藻字眉生蕭坊人勵品績學庠序有聲道光庚子舉  
于鄉癸丑大挑分發東河署滕縣丞借補鄭州州判鄭  
爲往來孔道日藻於渡口加意整飭有子產之遺風時  
值軍興勸捐築堡寨以保衛民粵逆屢攻不得下居民

高安縣志

卷之十五

宦績

九

賴以保全甚衆以堵禦功 奏加通判銜改歸地方署  
汲縣年餘民無上控案牘遇年荒請賑未久乃捐俸施  
濟實惠及民窮黎感泣丁卯充鄉試分校稱得士旋奉  
諱歸卒於家

忠義

按舊志不列忠義名目間有二三附見敦行茲當咸豐癸丑乙卯辛酉三次兵燹之後殉難者實有徒故特立忠義一門其舊列敦行之謝麟吳雲胡克安父子仍舊弗改而以舊志所遺一人冠於首

鄒基美宣政鄉人家富以勇力聞明正德間華林賊起聚

眾抗賊屢殲賊黨賊恨甚伺隙來攻卒斃於賊

謚鴻模字羽儀神前人祖秉忠舉人鴻模有異姿早入邑

庠試輒高等補增生咸豐乙卯賊陷郡迫受偽官不從

匿居山寺明年五月江省官兵百餘潛往袁州過神前

覓食鴻模與族人作食饋之賊聞率眾圍劫其村鴻模

挺身救父被縛并掠其財物以歸賊目見其氣宇不凡

以火灼其膚迫使降鴻模大罵遂殺之時年三十也其

叔父厚恩爲玉山教諭聞訃以其事稟請學憲題奏奉

高安縣志

卷之十五

忠義

一

旨給銀優卹建坊

旌表

謚汝楫字濟川號雲帆五里人咸豐五年粵匪陷郡明年

湖南武烈劉公騰鴻督兵赴瑞勦賊始至乏餉汝楫稟

於父輸千金爲倡劉喜與語奇之畱營襄辦丁巳五月

賊數萬自臨來援劉公率師往汝楫領前鋒衝殺賊敗

走以功議敘府經縣丞七月劉公攻賊砲臺汝楫在旁

砲傷劉公血濺汝楫衣而賊砲臺亦破夜卽竄瑞州平

敘功 賞戴藍翎劉公旣捐軀弟騰鶴任統領移兵會

勦吉安汝楫管勁兵後營駐騾子山下時鷺河中構浮

橋以防竄逸水東爲賊要衝諸統領議欲置營於此皆

有難色汝楫毅然請往遂以已營移駐水東斬獲甚多

擬保卽選知縣戊午八月水陸各營合圍攻城賊以大  
筏衝斷浮橋下竄汝楫督隊追至三曲灘殺賊三百餘  
遂自永豐躡賊踪至峽江歷新淦凡五日追至豐城焦  
坑賊遁深山汝楫分隊入殺賊數十賊裏脇甚眾林間  
四出死戰被鎗傷胸墜馬復上馬殺賊數人而殞時年  
二十有三以克復吉安 欽加同知銜予父母五品  
封典子世襲雲騎尉

鄔光國高郵市人業儒年七十咸豐癸丑賊犯省城七月  
分黨寇瑞至高郵與楚勇遇光國呼家人助戰勇敗光  
國奔入室賊尾之逼入城憤罵賊鬻割焉時深巷童志  
賢亦被虜不從被殺

高安縣志

卷之十五

忠義

二

傅圖籠珠湖人善拳勇咸豐辛酉賊犯郡奉母逃突遇賊  
連擊斃之賊呼眾至力竭就縛愛其勇不殺畱數日不  
能脫自縊

曾淮武庠生平湖人大庾訓導淑之孫辛酉避賊楓嶺遇  
賊擄俾爲鄉導不從殺於樹下賊退家人始知收而葬  
焉

張含周平湖人辛酉賊至以父病畱守賊入其居勒作鄉  
導不從被殺

蔡蒲麥園人辛酉賊由郡竄新昌經蒲居眾皆逃蒲恃髦  
畱守賊就蒲室作飯呼蒲共食蒲怒詈之賊憤斫而斃  
熊正魯仁濟坊人如泌孫辛酉賊至眾爭逃獨取影堂木

主囊負出城遇賊呵令釋所負不應奪其囊擲之驅令負所掠植立不行且詈賊遂遇害

謝成允字信及號誠齋世濟坊人辛酉避賊于師峯汪姓將別往道遇賊逼淫婦女厲聲叱罵遂遇害於仙姑壇  
時年六十六

黃榮暉字恩及六合山人業儒督學張取侑生辛酉三月隨鄉勇勦賊被害於牛磨嶺下路旁

黃垂燦榮暉姪辛酉三月同鄉勇與賊鬪被執罵不絕口賊殺之株山誑氏門前

黃增友六合山人辛酉三月賊入其室被執罵賊遇害

藍茂昌泉塘人辛酉三月賊至以母寓長沙鋪往迎路遇

高安縣志

卷之十五

忠義

三

賊脅以刃憤罵不從賊殺於北崗廟墻下年二十有三

咸豐辛酉三月南鄉下二十都十三都鄉勇與賊戰

於鈞山陣亡人數

鄒中傑石溪人監生成豐七年督勇捉獲逃竄賊目 賞

給六品軍功此次率勇臨陣被賊活捉以油絮包裹焚

斃

張之傑大溪港人邑庠生身受重傷力盡陣死

褚以讓中村人臨陣被獲賊用石磨層疊壓死

孫名咬子燕嵩溪人父子陣亡

游祚鎮新塘人臨陣受重傷猶殺賊而死

鄒克佑石溪人臨陣被捉焚斃

鄒昌體石溪人搥鼓陣亡

鄒克先克鈺克星克高克佑昌扒克臣守和守尺守幼守九守廷守永子清純石溪人均戰死

褚明淵褚遠代褚以聯喻映帶中村人喻佳波喻旺秋翼

方人甘學羅甘學笑甘允勝甘允年規溪人均陣亡

宋宜拾宋宜雪黃禾石溪人劉昭雪塔下人游祚常游秀

苗堆頭人李茂鬻敖教由敖中勝洲上人劉元毛劉元

誰劉三仁劉克敏塘背人劉硯禾劉硯聖克強店下人

易發以易光照秋塘人孫勝董孫勝梅田溪人宋作奈

其禾毛嶺人吳思嵩溪人劉春溪背人石溪雇沈積碌

江人石溪貿易張懿義鍾其迷塔下人晏遠昔晏方業

高安縣志

卷之十五

忠義

四

西南廂人寓居境內胡昌樞傅嵩莽上里人劉垂錦西陽人鄧忠緝鄧第旦庫溪人徐慶先徐尙超嶺頭人劉鎮郡城上人謝傳密謝遠省謝遠初謝家香謝家隨田西人羅暹高田溪敖義相店下劉義烏湖上人敖陽球上里人楊昭治廟前人周試苦竹舖人寓西陽均力戰陣亡

歐陽就東陽人靈山寺雇工臨陣受傷猶殺一賊而死

以上八十四名經洪令冊報 部議 旌卹

朱日祥字卓然淋溪人業儒辛酉賊至被擄誓賊劫以刃

詈益甚遂遇害

易曰長嶽山中易人年七十二辛酉三月賊至其家奮罵



賊刺其股背又繫其子孫去遂愈怒罵傷重三日斃  
金德恬灰埠段里人辛酉三月聞賊將至欲集團勇未就  
賊已至知之搜獲被殺

况以楣字介眉高沙人初就塾父卽課以忠孝二經稍長  
力學無間補郡庠旋應諸生試擢高等著有警心寶鐸  
行世咸豐辛酉館曦嶺賊經其地持刀逼從怒罵不輟  
急投館側大河死附祀省垣昭忠祠

鄔琛字星垣號子獻昂溪人邑廩生辛酉賊至被繫至樟  
樹逼爲書記誑脫頸索行至河跳入水死

高開波珠山人辛酉被賊執不從罵賊遇害

王簡楫分溪職民辛酉六月在湖北龍港墟賊擄不行被

高安縣志

卷之十五

忠義

五

殺

敖高壽龍城人監生辛酉賊至倡眾堵禦被圍受傷歿附  
祀省垣忠義祠

甘純霑南邊人業儒辛酉賊至率鄉勇禦之被縛至青石  
橋赴水死鄉人尋其屍歸葬

黃煥曾汝塘人辛酉賊至督團練力戰賊斫其頸匍匐至  
家斃

黃成崇汝塘人辛酉賊至力禦之被執遇害

黃煥勤汝塘人辛酉遇賊執罵不絕口殺於上湖舖

以上俱附祀省垣忠義祠

王淦吉上湖舖背人業儒辛酉聞賊耗聚眾謀禦皆莫應

吉忿曰吾死矣賊至遂遇害

陳仕禾鳳岡人辛酉賊至遇賊憤罵賊逐之赴水死

黃成雞汝塘人辛酉遇賊琴嶺以刀擊殺數賊賊劫至劉  
芳田家斫殺之

謝周濟嶺口人性勇敢辛酉邀數十人禦賊傷人賊追至  
汝塘連斫其頸斃

廖其大蓮花塘人辛酉遇賊拒之傷十餘賊賊大至被擒  
罵不屈見殺

廖有爲溪東人辛酉遇賊舖前村怒罵威以刃罵益甚遂  
遇害

劉聖瑞字科名大安人童試屢前列年甫弱冠辛酉遭賊  
高安縣志

卷之十五

忠義

六

擄至棠浦令寫旗限明日早交堅不從卽夜作四絕一  
殉難二寄父三寄受業叔四寄內付同圍親叔賊早起  
見未寫怒斷其左手痛極大罵過黃雀橋竄水死賊猶  
裂其尸後親叔脫歸得其詩辭旨英烈意含慰勉附祀  
省垣昭忠祠

羅克偉高沙監生辛酉賊至見偉冠帶意爲宦撻使克兵  
怒罵不屈遂殺之賊去里人以門覆其尸翌日殞殮鬚  
眉血跡印門上如生迄今十年形迹猶在

陳長柱寒溪人辛酉罵賊被殺

黃江洪楓嶺人辛酉賊搜荷嶺持刃禦賊格鬪良久後賊  
漸多遂遇害

陳宗礪四十五都人辛酉賊至罵賊而死

鄧克順渡江人辛酉四月賊擄不行怒罵被殺於新昌黃

岡口

鄧掄元字達三嶺下監生辛酉三月賊至被擄不肯行遇害

毛文思太學生辛酉督團禦賊力不能支同毛方昔毛方

夢毛方許毛方洲毛方七毛方三毛方浣毛履新毛本

湘臨陣殉難經夏太史獻馨彭太史桂馨奏准 賜卹

况光藻字耀初邑庠生錦水坊人咸豐乙卯避賊寄寓潮

沙村辛酉賊至路遇賊逼爲書記怒罵不從被害

武廣淵字爲霖南浦儒童乙卯賊據城至村擄掠率鄉民

高安縣志

卷之十五

忠義

七

抗拒爲所執罵賊被殺

盛萬端古樓人事繼母能孝養辛酉賊犯境鄉眾練團端與其列追賊至米嶺地方被殺時年二十餘

胡顯輝胡任綸十八都公塘村人辛酉賊至拒之力竭而

斃

龔得勝字泰來彭城職民辛酉七月罵賊被殺

漆希孟烏泥人從九職辛酉賊至逼索財物孟大罵賊怒

以繩繫兩手於梁削竹箸插入鼻孔斃割殆盡而死

陳大咀倉下人大年廟前人辛酉七月賊掠米峯從鄉勇

禦賊於彭姓地方擒賊三名殺傷多名突數騎自頽垣

後出猝不及備格鬪死時同死事者尙有數名一爲甘

棠胡成璧餘未詳

韓超倫字豸五馬岡人業儒辛酉三月被賊執至新昌授以偽官不屈猶愛其才拘繫不殺迄六月回郡令坐筓輿隨至路口地方自念首邱而死猶令家人得收骸骨遂大罵賊怒連刺數槍斃

鄧恒九大藤人辛酉賊至與搏爲旁賊刺死

鄧重修恒九族見恒九與賊搏執棍擊賊爲羣賊所刺棄屍於塘

王禾泰山人傭作鄧姓見恒九重修與賊搏罵賊遇害

童克鐸字國松磨形人從九職辛酉賊至被執憤罵遇害

高才覃城南仁濟坊人辛酉三月避賊左家渡賊至抗拒

高安縣志

卷之十五

忠義

八

不從被殺

劉昭鏜昭森清美先節蘭懿務節俱均山人辛酉三月聚眾禦賊以力竭均被害昭鏜子秉懿以救父清美姪孫昭資以救叔祖亦同殉

劉命節子昭規鈞山人辛酉三月賊入境父子奮勇連殺數賊適賊大隊至遂投水死

敖高壽龍城太學生辛酉三月倡義驅賊被賊殺斃附祀省垣忠烈祠

陳聞瑞赤土人辛酉七月賊竄至村督勇堵禦力戰陣亡梁元月鏗尙人辛酉賊至被執大罵遇害

左漢章四都監生辛酉三月賊掠鄉村聚眾堵禦賊走殺

賊四人突賊大隊至眾驚散同族內五人被獲係纍入城逼降不從仍繫之至七月賊臨遁始遇害

徐宗功協塘人辛酉三月率團練禦賊頗有殺獲至四月四日賊大至功身先練勇爲賊刺咽喉斃時族人道隆厚庫厚歸宗溪宗色席統同在陣道隆受傷至五月殞厚庫等被擄俱罵賊不屈遇害宗功入省垣昭忠祠

聶逢吉三都標叢人辛酉隨練出仗賊追刺斃

李葵青洲人邑庠生辛酉賊縱焚劫葵年八十一憤甚罵賊不輟被殺于本村廟側

陳聚釗西塘人辛酉遇賊擄不去繫以繩大罵乃縊斃之熊銓紹松岡人喻德謨南園人辛酉賊至隨練勇禦之被

### 高安縣志

#### 卷之十五

忠義

九

矛刺斃

賈耀登三湖人辛酉賊至其村集族人禦賊眾寡不敵與代恭代妹代勇代華代持代快克顯克加克名耀俊守拍克火耀科克譜代龍代檢克坤克現等均爲賊殺

陳光祖小名正忌塘下人辛酉罵賊被害

諶守陶守和神前人咸豐丙辰粵賊踞郡禁薙髮守陶兄弟皆不蓄髮賊執之語不孫愛其健以婉言勸尤辱罵賊怒剖其腹

何士庚南山人咸豐丙辰六月賊夜遁經其居勒引路不從被殺

朱旭青坪人商義甯州咸豐乙卯州陷賊入室索金不與

被殺

胡照奎字聚五號星臣杉林人道光己酉拔貢咸豐丙辰大兵圍賊郡城徵釐濟餉奎董村前墟局六月二十夜賊竄出晨至村前奎督親兵堵禦遇害事聞 賜卹贈國子監學錄銜蔭一子入監

金臺字泰階號東軒龍溪人郡增生咸豐丙辰徵釐村前賊至被殺子茂齡亦給事釐局以身翼父同殉

何承先伍橋人朱對望港西人朱世佐社山人傳送九村前人俱給事村前釐局賊至被殺

吳受昌字謙美太學生白沙人商于義甯州之馬市咸豐癸丑賊犯州界吳與同邑米峯人鄭光祖暨本州紳耆

高安縣志

卷之十五

忠義

十

籌辦團勇賊聞有備而逸乙卯四月賊由古田嶺驟至吳與鄭皆遇害徐廷楨爲作二義行附祀省垣昭忠祠蕭錫齡字夢增社坪人咸豐乙卯賴賊踞郡賊目數人至村劫掠率族必貴及工人與聞賊傷至營死賴賊怒遣僞官往縛齡與必貴及工人入城殺之棄尸於河族人歸其元見其雙目不瞑鬚髯戟張時年五十七

周步青字調夫號遠亭編修鎮南胞姪家世商滇東川府由滇籍捐授府經歷署貴州新城縣丞復署麻哈州吏目戊午苗匪陷都勻調守城城陷持刀巷戰罵賊而亡子瓚蔭州吏目

劉振鐸字謙吉號受堂後西人咸豐癸丑避賊深巷童姓

賊至諭其富索銀不與被殺

張上林烏高山武庠生咸豐乙卯粵寇踞郡招之不從械入城罵賊遇害

龔朝璋烏高山人咸豐丙辰賊踞郡有忌者訐於賊械入城不屈或勸以金贖不應卒斃於械

梁瑞生橋岡上人太學生弟聯生武庠生咸豐乙卯賊踞郡兄弟詣曾帥營投効並捐千金造呂公車若干乘至丙辰城未下劉武烈遣入城約內應事垂濟爲賊覺同受極刑斃

陶世效三石職民辛酉賊至被執大罵不從賊怒支解之羅福禾亨谷運還會盛會吉會一會月南門艾家壩人黃

高安縣志

卷之十五

忠義

十一

江元江高江連南門一村人吳進寄居南門咸豐丁巳五月十八夜賊憤官兵圍久夜出南門焚殺諸人俱遇害

楊漢伏花園人龔正添湖溪人賊執不從罵賊被殺

吳茂交浪塘橋人與賊對敵賊大至遂陣亡

陳勳從九職赤土大洲人辛酉集辦團練殺賊陣亡

李定源楓林後坊人辛酉隨練殺賊陣亡

李定洋楓林後坊人辛酉辦團禦賊猝遇賊至罵不輟撞階而死

陳慶雲四都楓嶺人福建候補縣丞咸豐戊午年督兵堵勦粵匪與賊目戰于政和縣眾寡不敵力竭而亡

毛方策橫塘人鄉飲者賓辛酉賊至率子已新禦賊死  
張定龍張邦玉徐贊先皆南城仁濟坊人咸豐癸丑賊始  
至邦玉禦賊死之乙卯再至定龍在贊先家賊猝入驅  
之令爲鄉導不可且詈之同被害

徐新葦北城叢桂坊人咸豐乙卯賊入城至其所居高家  
巷被殺

盧世本四十六都楊溪團人世業農咸豐辛酉賊至受創  
傷次二日死同居盧世戶亦業農同日被戕死